

Kálaad ashúshwóógú Pwôl nyə á cilə buud ó Tesaloníka yé Isâ í dúgyá nə kálaad ashúshwóógú mə Pwôl shú Tesaloníka yí

Ja Pwôl nyə á ngə sá njəond yé ábeé yí, nyə á kumə Tesaloníka a ngə zhu Filipî. Ja jəong wə nyə á fwə Də á cínəng yí. Nji, Oyúden bwə á leel zə fəm nyə, obúgula bwə mú sá nə bá Sílas bwə túbúg ibulú ibulú kə Berê. (Mis 17.1-10).

Nə ndeé, ja Pwôl bənnə gwoong jé bwə á bə Atên yí, nyə á kənd Timotê nə a kág dúg nda míswən ngə bə Tesaloníka ná. Timotê nyə á ka kə, a mú nyingə, kə bwəma nə gwoong Kərənt. A mú jaaw Pwôl ná obúgula wə Tesaloníka bwə ngə kə nə búgá shwóg, nji, búsə nə bíl ísâ bwə ngə cəel mpu yí. Pwôl nyə á ka cilə bwo kálaad éga.

Sé bí nə ŋkul ci nə kálaad wəongú ji nə mənkwə ntúga:

- (1) Pwôl mə yé Zembî akíba nəcé məkál á mə bii má mə lwó nə obúgula wə Tesaloníka búsə nə kuú njəond í jéllá nə bə yuug yí.
- (2) A nyingə báágulə jaaw bwo iséy nyə á tééd yí, a ngə ntág cəel nə bənnə bwə nyingəg dúgya (1.1-3.13).
- (3) A bándúlə bwo nə bwə wáág ŋkul nə ngələ kwambulə kuú njəond wáj (4.1-12).
- (4) A mú námé ka jíguli bwo sá í dúgya nə shwiy nə zíyé mə Yésus-Krîst yí (4.13-5.11).

(5) A ka kə shínal kálaad nə baalé məcwûŋ nə məbədə (5.12-28).

Məbədə

¹ Mə Pwôl wə má cílə bí kálaad éga, sánónŋ Silvê nə Timotê. Sə má cílə bî *Dɔ́ á Tesaloníka, Dɔ́ dúsá Dɔ́ má Zembî Sónŋgú bá Cwámba Yésus-Kríst yí. Zembî kə sá bí mpaam, kə sá námə nə bî cúgəg nə shɛɛ.

Obúgula wâ Tesaloníka bwá á bə nə fwámé búgá

² Sə ŋgə yə Zembî akíba ja jêsh shú dún bi bêsh, sə aŋgê nə bwɛlɛ yɔw ŋgələ wá bí májəgula məsúd.

³ Sə ŋgə bul táduga bí mísh má Zembî Sónŋgú íshéd nəcé: búgá jín í cúgə ná á shílág; cɛɛlí jín nda bə á shwánág; bwándúlə bí ŋgə bwánd Cwámba íshé Yésus-Kríst nə búgá yí wúsə álal-ŋkul.

⁴ Yé bwááŋg Zembî mə céel wá, sə ŋgə táduga bí ntó, sə ŋgə mpu nə Zembî nyə a féésh bî.

⁵ Jí ntó. Jɔjɔ Kéel sə á ŋgə bwiing bí yé nyə a shígé bə nji iciyá í mpu; Nkɛŋkê Shíshim nyə á ŋgə lwándulə iciyá byɔɔŋgú nə ŋkul má Zembî, sə ŋgə *búgula nə mílám mísu myêsh. Kuú njɔɔnd sə á ŋgə kyey yí, í á bə shú mánywa mán, bi a shí dúg wə.

⁶ Bi a dúg, bi mú námə sá nda sə, sə námə nda Cwámba, bí lág Jɔjɔ Kéel nə məshusug má á ŋgə zhu wə Nkɛŋkê Shíshim má, í njúl nə bi á bə *íncwaw í ntug dí nə liid.

⁷ Sâ jɔɔŋg í má sá nə obúgula bêsh wâ Masedwân nə bɔɔŋg wâ Akayî bwə mú dɛ ŋwa yuug nə bî.

⁸ Kéel mə Cwámba í á má lás nûŋ bídí nda kwólóŋ;

1:1 Silvê: 2Kr 1.19; 2Te 1.1; 1Pr 5.12 **Timotê:** 1Kr 4.17 **Tesaloníka:** Mis 17.1 **1:2** 2.13; Flp 1.3; Kol 1.3; 2Te 1.3; 2.13 **1:3** 5.1-2 **1:4** 2Te 2.13, 16 **1:5** 1Kr 4.20 **1:6** Mis 17.5-9; 2Kr 6.10; 2Te 3.7, 9 **1:8** Rom 1.8

lâŋ í má kyey kál jêsh ná bi mú fwámé óbúgula ó Zembî; mæ ngæ ci ná kál jêsh, kú ná bæ nji Masedwân næ Akayî. Í cúgé ná nyingæ bæ sâ sá bwíingug.

⁹ Jí ntó. Buud bwáméfwó bwé ngæ jaaw nda bí á má lég sá fwámé lég ná; ná bi a má yîl mílâm ózembî ó áyadúg dî, kænd wé Zembî shú ná bi séyúg næ Zembî jí fwámé Zembî yé, Zembî á kuwô.

¹⁰ Bwé ngæ námé jaaw ná bí ngæ bwánd Mwân yá ná a bá zhu gwôw, Mwân yé Yésus nyáméfwó nyæ a gwûmushi yé, nyæ wé nyæ a má sá ná shé fáámugí næ mpimbæ má Zembî.

2

Iséy Pwôl nyæ á sêy Tesaloníka yí

¹ Bwaang, ngaá ná biméfwó bi mæ mpú ná njæond wúsú sá á zæ bídí yí í áshígé bæ ná sá á fánda zæ ngæ kyey ntó?

² Bi mæ mpú ná sá á zæ wóós bídí sá má fwo bul jug, sá á bwæma næ cúgé Filipî. Nji, Zembî wúsú nyæ á yæ sá inkáŋ í á jæla yí. Inkáŋ byæng wé í á sá ná, mizhízhíŋ mí á tæem ngæ lúmbuli næ sá mæzhíí mêsh íí, sá báá sá á ngæ námé bwíing bí Jjɔɔ Kéel má Zembî.

³ Bi má jælá næ mpu cínæng ná sá a shígé ngæ bwíing bí Kéel dængá næ mitédúgá mí íwushî, sá áshígé ngæ sêy næ mílâm mímbá, kú sá ísêy í mákóŋ.

⁴ Í yidá bæ ná, Zembî nyæ á fwo faas sê ná ndéé a mú magulæ sê, a mú yæ sá Jjɔɔ Kéel ná sá kág ngæ bwíing. Ntó, lósú sá á ngæ lás yí, sá a shígé ngæ lás wæ mbií á ná buud bwé fáágug sê; sá á ngæ yida lás mbií

á ná Zembî gwágúg sê nywa, nyə muud mə də dúg mítédúgá myâ milâm yé.

⁵ Haaw. Bi mə mpú ná sá a shígé bwεε jwángulə múúd nə iciyá í mpu, sá nda sá mísóólúgú mí ncwanǵé, Zembî ji wúshined.

⁶ Sá áshígé ηǵə sǵ gúmá tǵ bídí, tǵ bóól búud dí.

⁷ Í njúl ná sá á shí bə nə zhií ná sá zǵg lwó bí mpâl. Ngaá nə *buud ǵ lwámá ó *Kříst bí nə ηkul lwó búud mpâl? Nji, sá á yida ηwa bí nə lâm mǵcǵy nda nyǵǵǵú má ηkǵǵǵúǵá bwân yé.

⁸ Mǵtag mǵǵǵǵú má á sá ná, sá á tǵem yə bí Jǵǵǵ Kéel, sá á ηǵə jii jǵǵǵ ná sá má yé námé bí icǵǵ bíśú yâ sǵmǵfǵwó, nəcé bi á shîn zə bə sá wǵalâm.

⁹ Bwaǵǵ, ngaá bí ηǵə tǵdǵǵa wǵdǵǵǵá sá á ηǵə wǵdǵǵa sǵy yí. Sá á ηǵə cúndə bí Jǵǵǵ Kéel sǵmǵfǵwó sá dúǵǵ sǵy bulú nə mwásá shú ná tǵǵ muud ηǵwúđ nə ηǵwúđ nda ηkǵny mbag wúsú.

¹⁰ Bí bí owúshined, Zembî námé wúshined ná kuú njǵǵnd sá á ηǵə kyey nə bí obúǵǵla yí í á bə kuú njǵǵnd Zembî mə céel yí, kuú njǵǵnd á otátǵlí, nda nə sâ á jumúg.

¹¹ Bi mə mpú námé ná sá á ηǵə ηwa muud yǵsh a bídí nda sǵǵǵǵú má də ηwa bwân né.

¹² Sá á də cwîny bí, də lǵl bí mǵnyúul, sá də báásǵlə bí ná bí kyéyǵg kuú njǵǵnd Zembî mə céel yí. Bi má jǵlá nə cǵǵə ntó nəcé Zembî nyə á jǵw bí ná bí bǵg buud ó Faan dé, ηwa dún kǵw nyédí gúméd.

¹³ Sá ηǵə námé yə Zembî akíba nə gúl sâ; jí ná, ja bí á gwág Milású mí Zembî sá á bwiiǵǵ bí myá, bí á

2:5 2.10; Mis 20.33; 2Kr 1.23 2:6 Yuá 5.41, 44 2:9 2Te 3.7-9;
 Mis 18.3 2:10 2.5 2:11 Mis 20.31 2:12 4.1; Rom 5.2; Flp 1.27
 2:13 1.2-3; Gal 1.11-12

lóg myo nda mísə ná. Bi a lóg myo ná mísə Milósú mí Zembî, kú bæ kéel yâ buud ɔ shí ga. Milósú mí Zembî myɔɔŋg wó mí ŋgə sêy bí obúgula dí ícugud.

14 Ná ndéé bwaanɔ, bi a mós sá námə nda mədɔ mós Zembî mósə Yudéa mós ŋgə bɛ Yésus-Krîst má. Buud ɔ lɔɔm bân bwé á mós námə wáámɔ bî nə ifumuga námə nda *Oyúden bwé á wáámɔ mádɔ mɔɔŋgú nə ifumuga ná.

15 Oyúden bɔɔŋg bwé á gwú Cwámɔ Yésus-Krîst, bwé gwú *buud ɔ mícúndá, bwé á jág námə bul wáámɔ sə nə ifumuga. Zembî nyə anɔɔ nə gwág bwo nywa, bwé ŋgə lúmbəli nə buud bêsh.

16 Bwé ŋgə ntágulə sê ná sá nda bwiiŋg íkûl ishús Jɔjɔ Kéel, bwé acéélé ná íkûl byɔɔŋg í dúgúg cug. Sálə bwé ŋgə sá ntó yí, bwé ŋgə casulə *sám wánɔ ná í bág ncindí. Bwé á mós ka bwəma nə mpimbə mós Zembî.

Pwôl nə yéesh ná a ká dúg ókrîsten wâ Tesaloníka

17 Bwaanɔ, sá bân jísú kóómb di, tɛem bæ ná sá á mós béégya nə bí fúfwálá mísh mósú nda ná dúg bí, milám mísú myáá mí leedyá nə bî. Ntó, nda sá á bul bæ nə məma yéesh ná sá nyíŋgəg dúg bî ná, sá á ŋgə yáág ná sá mós zə nûŋ bídí.

18 Búbálé sá á mós yáág ŋkí ja ŋgwûd ŋkí ija íbá ná sá mós zə dúg bî, ná ndéé mə Pwôl; ká, *Sátan nyə a mós ntágulə ná sá nda zə.

19 Ye bi ampúyé ná bi wó ŋgə sá ná sá ŋgég nə bwánd Cwámɔ Yésus nə búgə? Nɔgá məshusug mósú mós ŋgə zhu bídí? Bi wó jí *tûm gúmə sá mós bá

2:14 Mis 17.5 **2:15** Mis 2.23; 9.23, 29; 13.45, 50; 14.2, 5, 19; 17.5, 13; Rom 11.28; 2Kr 11.23-29 **2:16** Mat 23.31-33 **2:17** 3.10
2:19 1Kr 9.24-25; Flp 4.1; 2Te 1.4

ngə bəgəwə ná ndí Yésus dí míshád ja á bá nyiŋgə zə yí.

²⁰ Mpugá ná bi wə bí sá sâ gúmá, bi wə bí sá sâ máshusug.

3

Pwôl nyə á kənd Timoté Tesaloníka

¹ Zhúgúlá zhúgúlâ, nda sə áshígé ná nyiŋgə jísəw ngələ ji nda gwáduga bî ná, sə á dág ná í nywa ná sə lúgúg fwó Atén.

² Sə mú nti *mínyəŋhâ wúsá Timoté muud bá Zembî bwə ngə námə sêy sêy bwiiŋgúlə Jəjə Kéel yé. Sə mú nti nyə ná a zég sá ná bi bág nə iŋkán búbé jínúd, zə cwîny bî.

³ Haaw. Í á jii ná bi bág nə iŋkán búbé jínúd shú ná məntágula mə nda tí múúd məkuú shí. Biméfwó bi mə mpú ná məntágula məni məsə dúsá kəw Zembî nyə á yə sə yí.

⁴ Ngaá ná ja sə á bə nûŋ bídí yí sə á shí bwey ngə jaaw bí ná sə é bwəma nə məntágula? Ntó námə wə í mə bə éga, bi mə mpú ntó.

⁵ Ná ndéé, nda méé mə áshígé ná nyiŋgə jísəw ngələ ji nda gwáduga bî ná, mə á nti Timoté ná a zég wámbulə nda bí ngə cugə cug búbé jín ná. Mə á ngə bεemb ná Mása məbwəbúlán nyə a bá bwówulə bí ná ndéé njugú sə á ŋwa yí mú yə íyíy-yíy.

⁶ Ná ndéé, Timoté mə wóos wa wúlə nûŋ bídí. A mə zə nə sə jəjə mákəl ná bí ngə ná kə shwóg nə búbé jín nə ccelí jín. A jaaw námə sə ná bí ngə ná téduga

3:1 Mís 17.15 **3:2** Timoté: 1.1 **3:3** Ifz 3.13; 2Te 1.4; 2Tm 3.12

3:4 Mís 14.22 **3:5** Flp 2.16 **3:6** Mís 18.5; 2Te 1.3; 1Tm 1.5; Flm 5-7; Gal 5.6

sé tédúgálə ányunywaâ, bi njúl nə məma yéesh ná bi mə dúg sé, nda sé bí námə nə yéesh ná sé má dúg bí ná.

⁷ Gwá wə jí ná, bwaanɔ, məfúfə nə məbwábúlán mə tɛɛm nɔgə ntágulə sé, mənyúúl mə má bul nyinɔgə lal sé nə gwádúgálə búgə jín.

⁸ Sé má nyinɔgə cugə ja gaád nəcé sé má gwág ná bi mə nada nə Cwámba.

⁹ Sé bí bul bə nə məshusug nə bí mísh mə Zembî íshéd, nda ná mpu bímbí sé bí nə nkul yə nyə akíba yí.

¹⁰ Sé nɔgə jəgula nə Zembî ntɔ mínji. Bulú nə mwásé sé nɔgə jəgula nə shé nyinɔgəg dúgya, sé zəg lwándulə sâ í nɔgə ná fúfə bí búgə dí yí.

¹¹ Sósɔngú íshé Zembî nyəmɛfwó bá Cwámba íshé Yésus bwə sáag ná zhií zələ nûn bídí í bəg sé ná wan wan.

¹² Bí nɔgə ciila mpédúgá nyín, bi nɔgə námə cɛɛl bóól búúd bəsh. Cwámba sáag ná cɛɛlí jɔɔnɔg í nɔgəg nə yáag yáagúg námə nda cɛɛlí sé nɔgə cɛɛl bí yí.

¹³ A sáag ná milâm mí bəg nda nkúnkulə bí, bi bəg bə nə kuú njɔɔnd Zembî mə cɛɛl yí, kú nə sâ á jumúg mísh mə Sósɔngú íshé Zembî dí ja Cwámba íshé Yésus bánɔnɔ buud bé bəsh bwə bá zə yí. Amɛn.

4

Fwámé kuú njɔɔnd

¹ Ná ndéé bwaanɔ, sé á shí lwó bí kuú njɔɔnd Zembî mə cɛɛl yí, bi mú námə nɔgə kyey wə. Ná ndéé, kəgá nə kuú njɔɔnd wɔɔnɔgə shwóg nɔgə yáag yáagúg; sé nɔgə bándulə bí ntó jínə mə Cwámba Yésus dí.

² Bì mæ mpú mæcwûŋ sá á cwîny bí næ ŋkul mæ Cwámba Yésus má.

³ Nkúmba sâ Zembî ŋgá jîi yí jî ná bî cûgæg mbií á céel yí. Kwanzugá jaŋga.

⁴ Muud yêsh cûgæg næ nyúúl nyé* mbií Zembî mæ céel yí, ŋwa nyə næ mæjilə;

⁵ kú bɛ bów-bôw íyéesh nda buud bwá ampúyé Zembî wá.

⁶ Muud nda nyúg *mínyonê na sâ níid, nda ntɔ mînji. Nacé Cwámba má dɛ kunda búúd ísâ íníid; sá á shí bwey dɛ jaaw bí ntó, sá ŋgə námə nyingə báásulə jaaw bí ntó.

⁷ Mpugá ná njúwúlú Zembî nyə a jêw shé yí í áshígé bə ná shé ŋgəg nə kə shwóg ŋgə sá ísâ í ádɔdanâ; í á yida bə ná shé cûgæg mbií á céel yí.

⁸ Ná ndeé, muud mæ bán mæcwûŋ mága yé nyə abáné múud, á ban Zembî muud ŋgá yə bí Nkɛŋkɛ Shíshim yé.

⁹ Shú sâ í dúgyá næ ceelí á mpédúgá omínyonê yí, í ajíyé ná mæ cíləg bí, nacé mæ mpú ná Zembî nyəméfwó nyə á má jíiguli bí nda bí má jálá næ ciila mpédúgá nyín ná.

¹⁰ Bí ŋgə ntâg námə bwey lwóya ceelí jɔŋgú nə omínyonê ó íshé bēsh wâ Masedwân yêsh. Bwaanɔ, sá má bándúlə bí ná bî kəg nə ceelí jɔŋg shwóg ŋgə yáág yáágúg,

¹¹ bulugá sɔ cug mətəla, muud bul sɔ ná a dúgúg nji sâ í dúgyá nə nyə yí, sɔ ná a séyúg nə mæbwə mé nda sá á cwîny bí ná.

4:3 5.23; 1Kr 6.13; Heb 10.10 * **4:4** Bóól bwá ci na nó: «Muud yêsh cûgæg næ yé múdá». **4:7** 4.3; 1Pr 1.15-16 **4:8** 1Kr 6.19-20 **4:9** Zhe 31.33-34; Gal 6.10; Ifz 5.2 **4:10** 2Te 3.4 **4:11** 2.9; Ifz 4.28; 2Te 3.10, 12

12 Sáǵá ntó shú ná bi cǵgǵag cǵg í é bæ nǵ mǵjilǵ mǵsh má buud bwǵ cǵǵé *Dǵ dí wǵ; bi nda sǵ ná bǵól búúđ bwǵ ngǵǵ nǵ nkéný mbag wǵn.

Zembî mǵ bá gwûmǵshi ómǵnyǵǵâ ó íshé

13 Bwaang, sǵ acééle ná bi dǵǵ jǵǵ sǵ í dǵǵyǵ nǵ okristen bwǵ á má kǵ ígwǵđ wǵ yí. Í jǵi ná bi dǵǵ mpu, shú ná bí kú dǵ bæ nǵ shúsǵlú shúsǵlú nda buud bwǵ áǵǵé nǵ bwǵnd nǵ búǵé wǵ.

14 Shé ngǵ *magǵlǵ ná Yésus nyǵ á yǵ a mú nyǵngǵ gwûm, shé máǵǵlǵǵá nǵmǵ ná, bǵǵng bwǵ á yǵ bwǵ ngǵ *búǵǵla Yésus wǵ, Zembî mǵ bá gwûmǵshi bwo a mú kǵ nǵ bǵnǵǵ Yésus.

15 Gúǵ sǵ sǵ ngǵ jaaw bí Cwǵmba nyǵ a ci wǵ ga: ja Cwǵmba mǵ bá nyǵngǵ zǵ yí, shé buud mǵ bá bæ shé ngǵ ná dǵǵya wǵ, shé ábǵlé kǵ shwǵǵ, lǵǵǵ bǵǵng bwǵ má yǵ wǵ mpǵsǵ.

16 Nǵcé í bá bæ ná, buud bwǵ bá gwǵǵ kǵǵ ngǵ cǵndǵ, wúǵ kúǵmǵ *wǵéǵǵles ngǵ wééshǵli kǵǵ, laag má Zembî ngǵ lǵs, Cwǵmba nyǵmǵfwǵ mú shulǵ wú jǵǵ dí, buud bwǵ á yǵ bwǵ njúǵ búúđ ǵ *Kříst wǵ bwǵ mú tééd gwûm.

17 Bwǵ kǵ shǵn gwûm ntǵni, shé buud mǵ bá bæ shé ngǵ ná dǵǵya wǵ, shé mú sǵǵngǵya nǵ bwo ná ndéé sǵnǵǵ mú nkǵǵ kǵ mǵnkúđúđ kǵ bwǵma nǵ Cwǵmba nǵǵ mǵǵǵlúđ; sǵnǵǵ sǵ mú ji kandǵǵ á kandǵǵ.

18 Dǵǵá wǵya nkul mǵlámúđ nǵ iciyǵ íni.

4:12 1Kr 5.12-13; Kol 4.5 **4:13** 5.1-2; 1Kr 15.51-52 **4:13** 1Kr 15.18-19; Ifz 2.12 **4:14** Rom 14.9; 1Kr 15.3-4, 12, 20 **4:15** 1Kr 7.10, 25 **4:16** 1Kr 15.23 **4:17** Yuá 12.26; Rom 5.17; Flp 3.20

5

Muud nyə ampúyé jwôw Cwámba mə bá zə yí

¹ Bwaanɔ, í ányínɔyɛ jii né mə cílɔg bí shú sâ í dúgyá nə məfwála nə ija ísâ í bá sɛy yí.

² Nəcə bíméfwó bi mə mpú né sán sán né jwôw mə Cwámba í bá zə wóós nda júwâl í də zə mpwó-bulú ná.

³ Buud bwé bá ɔgə ci ná: «Huuu! A m̄ɔ m̄ətəla e! Kú nə tɔɔ sâ í kénd múúd lâm gwôw!» Í bá bə, buud bwé ɔgə lás ntó, byéndí í ó wóós bwo məseegya, námə nda mácey mə miná mə də wóós múdá á bum məshiiɔa ná. Bwé ábúle faam.

⁴ Ká, bwaanɔ, bi báá cugé yídúgúd*. Jwôw dɔɔɔɔgú í ábúle wóós bí nda júwâl.

⁵ Bi báá búsə bwán ó m̄ɔɔkenya bi bēsh, bwán ó mwásá. Shé cugé búúd ɔ búlú, búúd ɔ yídúgú.

⁶ Nda jí ntó ná, shé ajéláyé nə kə ígwád nda bóól búúd bwé ɔgə kə ígwád ná; shé mə jəlá nə ji ɔkasə, shé də cunal íyéesh íshé.

⁷ Nəcə ná, buud bwé də kə ígwád wá bwé də kə ígwád íbulú, ɔngule də fudə nə məlwəg íbulú.

⁸ Shé b̄ɔɔ buud ɔ mwásá, shé dúgá cunal íyéesh í íshé. Ntó, í jii né shé ɔwág búgə nə cɛelí búdal íbud dí t̄ɔɔ nda búduga í ɔɔkwánz ɔzimbi bwé də bwáád bud dí yí, shé ka ɔgə bwánd nə búgə né Cwámba mə bá sá né shé fáámug nə intúgúlí, bwándúlə wɔɔɔɔgú í bə shé nda t̄um ɔɔkwánz zimbi mə də búdal lúúd yí.

5:2 1.2-3, 10; 2.19; 3.13; 5.23; Mat 24.36; Flp 4.5; 2Te 1.7, 10; 2.1-2
wóós nda júwâl: Mat 24.43; 2Pr 3.10; Mbú 3.3; 16.15 **5:3** Zhe
6.14-15; Mat 24.39 *

5:4 Buud bwé afwóyé magulə Yésus wá bwé ɔgə ɔkúɔkúlə nə cug kú mpu shwóg kú mpu shug: búsə yídúgúd.

5:5 Rom 13.11-12; Ifz 5.8-9

5:8 Ifz 6.11-17

⁹ Nacé ná, Zembî nyə a shígé féesh shé ná shé zág yida bwəma nə mpimbə jé; nyə a féesh shé ná shé dúgúg cug zhí mə Cwámba íshé Yésus-Kríst dî.

¹⁰ Ngaá ná Yésus wəɔŋg wə nyə á yə shwiy dúsú? Haaw! Nyə á yə shú ná sánŋə sə cúgəg, tə shé mə ji ŋkasə, tə shé mə nyiŋgə kə ígwád.

¹¹ Ná ndeé, dugá sá ná, bóól wá bóól ŋkúl mílámúd, bóól sá ná bóól búgə í láləg, nda bí mú ŋgə bwey sá ná.

Məcwûŋ mâ məzhúgúlâ

¹² Bwaŋg, sə ŋgə námə ci nə bí ná, bəɔŋg bwə tál bí shwóg bwə ŋgə wáduga ŋgə cwîny bí cug krísten dí wá, dugá ŋwa bwo nə məjilə.

¹³ Dugá yə bwo gúmá, bí cəel bwo nə fwámé cəelí nacé séy bwə ŋgə séy yí. Cugəgá ná shee mpédúgá nyín.

¹⁴ Bwaŋg, sə ŋgə yáág nə bí ná bí dúg lás nə bəɔŋg bwə acéélé séy wá; bí sá ná bəɔŋg búśə nə iŋkwo wá bwə wíínzhug mənyúul, ná bəɔŋg búśə nə iləm wá məkuú mə tówúg shí; bəgá nə jísów, də jísəw búúd bəsh.

¹⁵ Bí ó bey. Muud nda bweel məbôw ŋgwól mə sá nyə má; yidagá də síya mánywa mpédúgá nyín, də námə sá búúd bəsh.

¹⁶ Dugá bə nə məshusug ja jəsh,

¹⁷ də jəgula nə Zembî kú káád,

¹⁸ də yə Zembî akíba nə məfwála mēsh mâ cug jín. Bí buud bí búśə búúd ɔ *Kríst Yésus wá, isə Zembî mə jíí ná bí dúg sá wə íni.

5:9 1.10; 2Te 2.14 **5:10** 4.14; Rom 14.8-9 **5:12** 1Kr 16.15-18; 1Tm 5.17 **5:14** 2Te 3.6, 11, 15 **5:15** Rom 12.17; Flp 1.10 **5:16** Flp 4.4 **5:17** 5.25; Luk 18.1; Rom 12.12; Ifz 6.18; Kol 4.2 **5:18** Ifz 5.19-20

19 Kúgá ntágulə ná Shíshim má Zembî bég kú sêy séy jé.

20 Kúgá bæeg mpyêny íciyá í *búúd ɔ mícúndá ó Zembî.

21 Dugá faas ísâ byêsh, bí du bii nji byɔɔng í nywá yí.

22 Bi ɔ káálúgá nə mbií məbôw wêsh wúsə nə ηkul shweenzh bí yí.

Ibwádán nə məbáda

23 Zembî á mpwogé nyəméfwó ká fúb bí ikóomb byêsh; ká baagulə bí ikóomb byêsh, nə *shíshim, nə *jím, nə nyúúl, byêsh í bág bə kú nə sá á jumúg ja Cwámba íshé Yésus-Kríst mə bá nyingə zə yí.

24 Muud ηgá jôw bí yé ji abúgúlág; nyə wə má bá sá sólúgú wɔɔng.

25 Bwaang, dugá jəgula nə Zembî shú dúsá.

26 Kúlálúgá mə bwáang bêsh məkúləla má buud ó Zembî.

27 Má jəgula nə bí jíná má Cwámba dî ná bi ləg bwáang bêsh kálad éga.

28 Cwámba íshé Yésus-Kríst ká sá bí mpaam.

Kálaad Zεmbî : Sə, á Gúgwáan New Testament in Makaa

copyright © 2014 Wycliffe Bible Translators, Inc.

Language: Makaa

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2014, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Makaa

© 2014, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 18 Apr 2025 from source files
dated 29 Jan 2022
d1606f4a-0ada-5be8-9b44-23b40e4b3495